



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

**Bwrdd Iechyd Prifysgol
BETSI CADWALADR**

Swydd Meddyg Arbenigedd mewn Cardioleg

Yn Ysbyty Gwynedd, Bangor

Mai 2023

DISGRIFIAD SWYDD

- 1.0 CYFLWYNIAD
- 2.0 Y SWYDD, YR UWCH ADRAN A'R CYNLLUN SWYDD ARFAETHEDIG
- 3.0 GWASANAETHAU AC ADRANNAU CLINIGOL
- 4.0 BYW YNG NGOGLEDD-ORLLEWIN CYMRU
- 5.0 GWYBODAETH BELLACH

1.0 CYFLWYNIAD

Mae'r swydd hon ar gyfer Meddyg Arbenigedd yn Adran Neffroleg Ysbyty Gwynedd. Bydd disgwyl i'r un a benodir cefnogi'r Meddygon Ymgynghorol yn yr adran i ddarparu gwasanaeth neffroleg llawn.

1.1 Cefndir

Sefydlwyd Bwrdd Iechyd Prifysgol Betsi Cadwaladr (BIPBC) (Ymddiriedolaeth GIG Gogledd Orllewin Cymru gynt) ar 1 Hydref 2009 ac mae'n dod â bob ysbyty yng Ngogledd Cymru at ei gilydd.

1.2 Ysbyty Gwynedd

Mae Ysbyty Gwynedd yn Ysbyty Cyffredinol Dosbarth modern â 420 o welyau yn ninas prifysgol Bangor. Mae'n darparu amrywiaeth gynhwysfawr o wasanaethau i boblogaeth Gwynedd, Ynys Môn a rhannau o Gonwy yn ardal Gogledd Orllewin Cymru. Mae'n darparu holl ddisgyblaethau Meddygaeth Gyffredinol a Llawfeddygaeth yn ogystal â'r holl is-arbenigeddau, gan gynnwys Adran Achosion Brys, Uned Gofal Dwys, Uned Dibyniaeth Fawr Lawfeddygol, Uned Asesu Lawfeddygol, Uned Asesu Feddygol a'r Uned Gofal Coronaidd.

1.3 Ysbyty Cyffredinol Llandudno

Mae Ysbyty Cyffredinol Llandudno yn ysbyty gyda 76 gwely yn y cyrchfan glan y môr ar arfordir Gogledd Cymru. Mae'n darparu gwasanaethau gofal yr henoed ac adsefydlu, Adran Mân Anafiadau a gwasanaeth llawfeddygol dewisol. Mae nifer o arbenigeddau'n cynnal clinigau cleifion allanol yn yr ysbyty, gyda chefnogaeth gwasanaethau radiolegol a phatholegol.

1.4 Ysbyty Alltwen.

Mae Ysbyty Alltwen yn ysbyty 18 gwely wedi'i leoli 27 milltir i'r de o Fangor, ar gyrion tref fach Porthmadog. Mae'n gartref i 9 uned dialysis ategol ac mae'n cynnal dau glinig arenol dan arweiniad meddyg ymgynghorol yn wythnosol. Mae ystod eang o arbenigeddau'n cynnal clinigau cleifion allanol yma, ac yn cael cefnogaeth gan wasanaethau radiolegol a patholegol.

1.5 Rheoli Gwasanaethau Meddygol a Chlinigol

Mae gwasanaethau clinigol yn cael eu rheoli trwy system o uwch adrannau. Mae Gofal Eilaidd yn cynnwys

Gofal wedi'i drefnu, Gofal heb ei drefnu a Thimau Ardal.

Mae'r grwpiau hyn yn seiliedig ar gryfderau swyddogaethau a strwythurau'r GIG o'r gorffennol ar draws Gogledd Cymru ond bod pum elfen bwysig iawn sydd yn diffinio'r Bwrdd Iechyd a'i ddull.

Maent yn uno swyddogaethau'r sefydliadau blaenorol trwy fabwysiadu dull dan arweiniad clinigwyr a dull sy'n atebol gyda chlinigwyr a rheolwyr yn datblygu ac yn esblygu'r system.

Maent yn seiliedig ar y cynsail bod gofal cychwynnol a gofal eilaidd yn hanfodol i lwyddiant clinigol ac nad ydynt yn gweithredu ar wahân ond fel gwasanaethau cydlynol i lwybrau gofal.

Maent yn newid canolbwynt y ddarpariaeth, gan symud o'r system a reolwyd gan ysbyty llym i ddatblygu gwasanaethau a'u darparu ar gyfer y boblogaeth gan roi dewis, tegwch o ran darpariaeth, ataliaeth a thriniaeth.

Cyfrifir yr agenda iechyd, gofal cymdeithasol a dinesydd drwy aelodau eu byrddau rheoli gan ddod â'r gwaith o gynllunio a darparu at ei gilydd ac ychwanegu cefnogaeth at ddarparu gofynion iechyd partneriaethau statudol fel Iechyd, Gofal Cymdeithasol a Lles, a Phlant a Phobl Ifanc.

1.6 Demograffeg

Mae uwch adran y Gorllewin yn gwasanaethu poblogaeth o oddeutu 250,000. Mae'r ardal benodol hon yn lleoliad gwyliau poblogaidd ac mae'r boblogaeth yn cynyddu'n fawr yn ystod misoedd yr haf. Mae Gogledd Orllewin Cymru'n yn ardal boblogaidd i ymddeol iddi ac mae gan rannau o'r ardal y gyfran uchaf yng Nghymru o bobl dros 65 oed. Mae'r arfer meddygol a llawfeddygol yn adlewyrchu patrymau'r clefydau a geir ymhlith pobl hŷn.

1.7 Cyfleusterau Ôl-raddedig

Mae gan y Bwrdd Iechyd Ganolfan Ôl-radd ac ynddi mae Theatr Ddarlithio fodern, ac ystafelloedd darlithio, seminar ac ystafelloedd ymarferol.

Mae'r Llyfrgell ar agor 24 awr bob dydd ac mae 3 aelod o staff llawn amser ac 1 rhan amser. Mae 10 cyfrifiadur ar gael, i gyd gyda mynediad i'r rhyngwrdd, ac ystafell Sgiliau PC lle rhoddir hyfforddiant mewn llythrennedd gwybodaeth. Mae cronfeydd data ar-lein a gwerslyfrau llawn a chylchgronau ar gael drwy'r eLlyfrgell ar gyfer GIG Cymru. Mae llyfrgell gyfeirio yn Ysbyty Cyffredinol Llandudno o dan ofal staff llyfrgell Ysbyty Gwynedd. Mae hefyd modd defnyddio cyfrifiaduron yn y Llyfrgell yn Llandudno.

Cynhelir cyfarfodydd ôl-raddio bob amser cinio mewn gwahanol arbenigeddau ac mae rhaglen lawn o ddarlithoedd gyda'r nos yn ystod misoedd y gaeaf. Cynhelir Rownd Fawr ar y cyd bob amser cinio dydd Gwener.

Mae gan Ysbyty Cyffredinol Llandudno lyfrgell gyfeirio sydd yn gysylltiedig â chyfleusterau Ysbyty Gwynedd. Hefyd mae Ystafell Seminar ar gael ar gyfer cyfarfodydd ôl-raddio a chynhelir gweithgareddau addysgol yn Ystafell Bwrdd yr Ysbyty.

1.4 Datblygiad ac Ymchwil Clinigol

Rhoir mwy a mwy o bwyslais mewn arfer clinigol ar ofal iechyd wedi ei seilio ar dystiolaeth a thystiolaeth o werth am arian ar gyfer y cynnydd mwyaf mewn iechyd. Mae gan y Bwrdd Iechyd Uned Gefnogi Llywodraethu Clinigol sydd wedi'i datblygu'n

dda. Mae'n hybu gweithgareddau effeithiolrwydd clinigol ac yn eu trefnu yn y Bwrdd Iechyd gyda'r bwriad o gynyddu gofal clinigol effeithiol a hynny ar sail tystiolaeth.

Mae gan y BIPBC hefyd bwyllgor ymchwil lleol sefydledig ac mae ganddi gysylltiadau gyda Phrifysgol Cymru Bangor. Mae cyngor ystadegol ar gael trwy drefniant sefydlog gydag Adran Ystadegau'r Brifysgol. Mae adrannau eraill yn gallu cynnig cyngor mewn meysydd fel Electroneg; Peirianeg; Biocemeg; Gwasanaethau Cymdeithasol a Seicoleg. Sefydlwyd cysylltiadau ffurfiol gyda'r Adran Gwyddor Chwaraeon, Iechyd ac Ymarfer, adran sy'n uchel ei pharch. Anogir projectau ymchwil ar y cyd.

1.9 Llywodraethu Clinigol

Y Prif Weithredwr a'r Cyfarwyddwr Meddygol sy'n gyfrifol am ddatblygu Llywodraethu Clinigol yn y Bwrdd Iechyd a chynigir bod hyn yn cael ei gyflawni drwy weithrediad canolog gyda chefnogaeth Cydlynwyr Llywodraethu Clinigol ym mhob un o'r Uwch Adrannau.

1.10 Ysgol Glinigol

Mae'r Ysgol Glinigol yn Ysbyty Gwynedd, a gafodd ei ariannu gan Lywodraeth Cynulliad Cymru, wedi costio yn agos at £3.5m ac fe fydd yn arwain at ehangu cyfleusterau addysg ac ymchwil meddygol ar draws Gogledd Cymru.

Mae'n darparu lleoliadau clinigol i fyfyrwyr meddygol o Brifysgolion Caerdydd, Abertawe, ac mae Ysbyty Gwynedd yn awr yn darparu dysg ar gyfer oddeutu 350 myfyriwr y flwyddyn ar draws astudiaethau trydydd, pedwerydd a pumed flwyddyn. Maent hefyd yn darparu addysgu clinigol ar gyfer ystod o gyrsiau an-feddygaeth megis cwrs BMedSci a'r Cwrs newydd Ffisigwr Cyswllt ym Mhrifysgol Bangor.

Mae cyfleusterau'n cynnwys tair ystafell addysgu ddynodedig ac ystafell sgiliau clinigol ac efelychiad o'r radd flaenaf.

Mae myfyrwyr meddygol yn treulio amser yn Llandudno, ynghlwm â COTE, anhwylder symudiad, niwroleg a thimau orthogeriatrig.

1.11 Gwerthuso Staff Meddygol

Mae rhaglen barhaol o arfarnu staff meddygol ac mae'r holl feddygon ymgynghorol wedi'u harfarnu ers Mis Mawrth 2002. Mae rhaglen barhaol o werthuso staff meddygol a gwerthuswyd pob meddyg ymgynghorol ers Mawrth 2002. O Ebrill 2002, bu pob meddyg gradd gyrfa nad yw'n feddyg ymgynghorol yn rhan o'r broses werthuso a gydlynir ac a hwylusir trwy'r Cydlynnydd Gwerthuso (rhan o'r Adran Personél Meddygol ac yn y pen draw yn atebol i'r Cyfarwyddwr Meddygol Gweithredol).

2.0 Y SWYDD, YR UWCH ADRAN A'R CYNLLUN SWYDD ARFAETHEDIG

2.1 Cyflwyniad

Bydd yr ymgeisydd llwyddiannus yn ymuno ag adran frwdfrydig sy'n meddu ar ystod o sgiliau a gwasanaethau a ddatblygodd dros y blynyddoedd diweddar. Bydd ef/hi yn cael croeso gan y rhai sy'n gweithio yn yr adran, gyda phob cefnogaeth i ddatblygu ei (d)diddordebau is-arbenigol, mentrau newydd a phrojectau ymchwil. Bydd deilydd y swydd yn gweithio efo'r staff sefydlog i greu gwasanaeth rhagorol gyda'i harbenigrwydd ei hun yn yr Adran. Fydd angen if ymgisiwr llwyddianus cymeryd rhan mewn ar alwad gofan meddygol aciwt, sydd ar hyn o bryd yn 1:5.5.

2.2. Adran Cardioleg

Mae gan yr adran 4 Cardioleg Ymgynghorol, 2 Meddyg Arbenigol, 1 x IMT, 2 x FY3, 2 x FY1 ac un Cydymaith Meddygol.

2.4 Cynllun/Amserlen Wythnosol Arfaethedig y Swydd

	AM	PM
Dydd Llun	Ward Meddyg Ymgynghorol	Clinig Allanol
Dydd Mawrth	Ward Meddyg Ymgynghorol	PPM
Dydd Mercher	Labordy Cardiaidd	SPA
Dydd Iau	Clinig Allanol	Ward Meddyg Ymgynghorol
Dydd Gwener	Amser Gweinyddu	SPA

2.5 Archwiliad Meddygol/CME/CPD

Bydd gofyn i ddeilydd y swydd gymryd rhan mewn archwilio meddygol yn rheolaidd a pharhau gyda'i addysg feddygol/datblygiad proffesiynol parhaus fel rhan o'r gofyniad llywodraethu clinigol sefydliadol.

Anogir yr unigolyn i gymryd rhan yn rheolaidd mewn cyfarfodydd ôl-raddio a bydd disgwyl iddo/iddi fynychu cyfarfod y Rownd Fawr ar ddyddiau Gwener a chymryd rhan mewn addysgu MRCP.

2.6 Arbenigeddau Meddygol - Ysbyty Gwynedd

Mae'r holl arbenigeddau meddygol yn Ysbyty Gwynedd a Llandudno fel y gwelir yn y rhestr isod. Yr un eithriad yw Niwroleg, sy'n cael ei gefnogi gan Niwrolegwyr sy'n ymweld o Ganolfan Walton ar gyfer Niwroleg a Niwrolawfeddygaeth, Lerpwl. Mae'r Gyfarwyddiaeth yn cydymffurfio ag EWTD ac mae'r holl staff cefnogi yn gweithio ar system shifft pan fyddant ar-alwad ar gyfer meddygaeth frys.

Mae yna 23 gwelyd a 5 bae ar gyfer troli yn yr Uned Asesu Meddygol Lem yn Ysbyty Gwynedd ynghyd â 171 gwely meddygol pellach rhwng 10 ward arall yn y Gyfarwyddiaeth Meddygol.

2.7 Cyfarwyddiaeth Feddygol Ysbyty Gwynedd ac Ysbyty Cyffredinol Llandudno

Derbyniadau Llym:	Dr H S Mohammed Dr C Subbe Dr A Ibrahim (Locwm)
Cardioleg	Dr M Payne Dr A R Azzu Dr A Hanna Dr M Royle
Gofal yr Henoed	Dr Sally Jones Dr Sion Jones Dr Conor Martin Dr S Elghenzai Dr A Bates (p/t) (LLGH)
Meddygaeth y Frest	Dr A Thahseen Dr D McKeon Dr C Kilduff Dr N Skehan Dr G Benfield (Locum)
Endocrinoleg/Diabetoleg	Dr A Wilton (Locwm) Dr T Adballah
Gastroenteroleg	Dr J Sutton Dr J Gasem Dr R Newbould Dr K Radwan Dr S Venugopol
Neffroleg	Dr A Alejmi Dr F Muhammad Dr G Rana

Niwroleg

Dr B Aji
(Gwasanaeth Ymweld) Dr R Davies

Rheumatoleg

Dr Y Ahmad

3.0 GWASANAETHAU AC ADRANNAU CLINIGOL

Oherwydd natur wledig Gogledd Orllewin Cymru datblygwyd casgliad ehangach o arbenigeddau clinigol na fyddai'n cael eu cysylltu'n arferol ag Ysbyty Cyffredinol Dosbarth. Mae'r canlynol yn enghreifftiau o rai arbenigeddau/adrannau.

3.1 Meddygaeth - Ysbyty Gwynedd

Mae'r Adrannau Meddygaeth a Gofal yr Henoed wedi eu hintegreiddio'n llawn ac yn rhannu gwelyau (171) a ward derbyn achosion 23 gwely.

Mae gan Feddygon Ymgynghorol unigol ddiddordeb arbennig mewn Meddygaeth Lem, Cardioleg, Dermatoleg, Gastroenteroleg, Gofal Dwys, Oncoleg, Meddygaeth Arennol, Meddygaeth Resbiradol, Endocrin a Rhewmatoleg. Mae'r ysbyty'n darparu cyfleusterau haemodialysis llym a chronig ac yn cynnal rhaglenni CAPD ac APD hefyd.

Mae yna Uned Endosgopi sy'n llawn offer, ac sy'n cynnal sesiynau rheolaidd ERCP a sffincterotomi a Labordy Profion yr Oesoffagws.

Mae gan yr Ymddiriedolaeth Uned Gofal Coronari 6-gwely gyda Ward Cardioleg benodol a Chlinig Poen y Frest â Mynediad Cyflym. Gwneir angiograffi a chyfleusterau cathetr y galon yn Ysbyty Glan Clwyd.

3.2 Ysbyty Cymuned

Mae'r Gyfarwyddiaeth yn darparu gwasanaethau i 250,000 o bobl ac mae'n cynnwys Nyrsio Ardal, Ffisiotherapi, Therapi Galwedigaethol, Therapi Iaith a Lleferydd a Gwasanaethau Meddygol Cymuned. Mae Ysbytai Cymuned yn darparu cyfleusterau cleifion allanol i Feddygaeth yr Henoed, Cynllunio Teulu, Meddygaeth Gyffredinol, Llawfeddygaeth, Gyffredinol, Meddygaeth Genido Droethol, Obstetreg/Gynaecoleg a Llawfeddygaeth Orthopaedig.

Mae hefyd yn rheoli rhwydwaith o Ysbytai Cymuned ar draws Gwynedd:

- Ysbyty Bryn Beryl, Pwllheli
- Ysbyty Cefni, Llangefni
- Ysbyty Eryri, Caernarfon
- Ysbyty Dolgellau, Dolgellau
- Ysbyty Tywyn, Tywyn
- Ysbyty Penrhos Stanley, Caergybi
- Ysbyty Alltwen, Porthmadog

3.3 Canser a Meddygaeth Liniarol Arbenigol

Sefydlwyd cyfleusterau trin canser lleol mor bell yn ôl â 1970 ac maent wedi arwain at ddatblygu gwasanaethau ardderchog, a'r rhai mwyaf yng Nghymru y tu allan i Gaerdydd.

Mae tri Haematolegydd, 3 Oncolegydd Meddygol a 2 Meddyg Ymgynghorol Gofal Liniarol yn rhannu 18 gwely ac yn cynnal gwasanaeth haematoleg a gwasanaeth cemotherapi tyfiant solet, a gwelyau lleddfu poen yn Uned Alaw, uned canser wedi ei chynllunio'n bwrpasol ar safle'r ysbyty. Mae Uned Hosbis Dydd hefyd ar y safle.

3.4 Plant a Phobl Ifanc

Mae 6 Paediatregydd Ymgynghorol yn darparu gofal i blant y boblogaeth leol. Mae cyfleusterau wedi eu hadeiladu'n bwrpasol ar gyfer cleifion allanol, 2 ward paediatrig (32 gwely) a 11 crud yn yr Uned Gofal Arbennig Babanod. Mae Meddygon Ymgynghorol o Ysbyty Plant Alder Hey, Lerpwl yn ymweld yn rheolaidd ac yn rhoi cyfraniad arbenigol i glinigau cleifion allanol ar y cyd. Mae hefyd gwasanaeth paediatreg cymuned dan arweiniad meddyg ymgynghorol sy'n gweithio'n agos gyda'r gwasanaeth ysbyty.

3.5 Iechyd Meddwl ac Anableddau Dysgu

Ar y cyd â'r Awdurdodau Gwasanaethau Cymdeithasol Lleol, mae'r Gyfarwyddiaeth yn darparu ystod gynhwysfawr o wasanaethau iechyd meddwl i siroedd Gwynedd, Ynys Môn a Chonwy yng Ngogledd Orllewin Cymru ac mae wedi datblygu cysylltiadau cryf gyda sectorau'r Defnyddwyr a'r Gwirfoddolwyr.

Dyma'r prif feysydd y darperir gwasanaeth iddyn nhw:

- Iechyd Meddwl Oedolion
- Cyfarwyddyd Plant a Theuluoedd
- Gwasanaethau Fforensig
- Gwasanaethau Camddefnyddio Sylweddau
- Niwro-Adsefydlu
- Cynghori Gofal Cychwynnol

Uned Hergest yn Ysbyty Gwynedd ydy'r prif safle ar gyfer y gwasanaethau llym i gleifion mewnol, ond mae gwelyau cefnogi lleol yn Llangefni, Bangor, Penmaenmawr, Y Bermo a Phyllheli. Mae gan y Gyfarwyddiaeth a'r gwasanaeth uned academiaidd yng Ngogledd Cymru a chysylltiadau cryf iawn gyda Phrifysgol Cymru Bangor.

3.6 Patholeg

Mae 1 Histopatholegydd Ymgynghorol, un Biocemegydd Gradd Uchaf, dau Ficrobiologydd Meddygol a thri Haematolegydd Clinigol yn gwasanaethu'r adran hon.

Mae Labordy PHLS ar y safle ac mae'r meddyg ymgynghorol yn cynghori'r Ymddiriedolaeth ynghylch polisïau a gweithdrefnau iechyd a diogelwch a rheoli risg feddygol ac yn ymgynghorydd i'r Adran Iechyd yn y Gwaith.

Mae'r Adrannau Patholeg Gemegol a Haematoleg (gwasanaethau gwaed) yn darparu gwasanaethau cynhwysfawr ac ystod eang o dechnegau profi a rhai arbenigol. Mae Haematoleg yn rhan fawr o gyfleusterau trin canser lleol ac mae

perthynas gref rhwng yr adran a'r Oncolegydd Meddygol a Meddyg Ymgynghorol Gofal Lliniarol.

3.7 Radioleg

Mae 13 meddyg ymgynghorol yn yr adran hon yn darparu gwasanaeth radiolegol modern. Mae gwasanaethau'n cynnwys mamograffeg, angiograffi ac arteriograffi (yn cynnwys technegau tynnu) ac angioplasti drwy'r croen. Mae cyfleusterau sganio radioisotop (a thechnegau tynnu), uwchsain (gan gynnwys draeniad neffrostomi a thechnegau biopsi), sgan CT corff cyfan a radioleg gonfensiynol lawn, MRI a CT troellol. Mae Canolfan Bron Gogledd Cymru, rhan o Bron-Brawf Cymru yn Ysbyty Cyffredinol Llandudno.

3.8 Llawfeddygol a Deintyddol

Mae 10 llawfeddyg a 4 Wrolegydd mewn swydd. Mae gan feddygon ymgynghorol is arbenigeddau gyda diddordebau yn llawfeddygaeth y fron (2), colorectol (6), a fasgwlar (2). Hefyd, mae 3 Llawfeddyg ENT Ymgynghorol, 5 Offthalmolegydd Ymgynghorol, 1 Meddyg Ymgynghorol ar ymweliad mewn Llawfeddygaeth Y Genau/Wyneb/Ceg ac 1 Orthodeintydd Ymgynghorol. Mae yna Feddyg Ymgynghorol mewn Deintyddiaeth Adferol ar ymweliad a Llawfeddyg Llawfeddygaeth Blastig ar ymweliad.

3.9 Trawma ac Orthopedig

Mae'r Uned Ddamweiniau ac Achosion Brys o dan arweiniad Meddyg Ymgynghorol yn Ysbyty Gwynedd yn gwasanaethu Gogledd Orllewin Cymru gyfan o ran trawma mawr. Mae yno Uned Ddamweiniau ac ystafell triniaethau mawr, man adfywio, EDOU gyda 5 gwely, ward trawma 30 gwely.

Mae'r Uned Mân Anafiadau yn Ysbyty Cyffredinol Llandudno yn darparu gwasanaeth mân anafiadau yn bennaf ar gyfer poblogaeth Aberconwy.

Mae gan yr Adran Orthopaedig 12 Meddyg Ymgynghorol ac mae'n darparu gwasanaeth orthopaedig cynhwysfawr gyda diddordeb arbennig mewn Arthroplasti Cychwynnol ac Adolygiad, Troed, ffêr a'r breichiau (Dwylo ac ysgwydd Cymhleth) a phaediateg.

3.10 Anaestheteg, Gofal Critigol a Rheoli Poen

Mae'r adran yn cefnogi 21 Meddyg ymgynghorol a 19 meddyg arbenigedd. Mae'r gwasanaeth yn cefnogi Gofal Dwys, Gwasanaethau Poen Llym a Chronig ynghyd â darparu gwasanaeth anaesthetig cynhwysfawr i'r brif theatr; llawfeddygaeth ddydd/endosgopi a chyfleusterau esgor.

Uned Gofal Dwys a HDU Llawfeddygol

Mae 8 gwely ITU a 5 Wely Dibyniaeth Fawr, o dan reolaeth uwch Anaesthetydd Ymgynghorol a chefnogaeth ar-alwad 24-awr.

3.11 Gofal Merched a Mamolaeth

Mae 6 Obstetregydd a Gynaecolegydd Ymgynghorol yn darparu gwasanaethau i'r boblogaeth leol. Mae tua 1,800 o enedigaethau bob blwyddyn yn yr uned. Darperir Gwasanaethau Gynaecoleg trwy ward cleifion mewnol 24 gwely, gwelyau yn Ysbyty Llandudno ac unedau llawfeddygol dydd.

4.0 BYW YNG NGOGLEDD-ORLLEWIN CYMRU

Tai

Mae dewis helaeth o dai preifat ar gael, o'r traddodiadol i'r modern mewn trefi, pentrefi ac ardaloedd gwledig. Mae prisiau tai Gogledd Cymru wedi codi yn ddiweddar ac yn debycach i weddill Prydain. Ar y cyfan, mae pobl sy'n symud i'r ardal yn dal i gael tŷ a gardd mwy am eu harian o gymharu ag ardaloedd eraill.

Addysg

Yn dilyn y traddodiad yng Nghymru, mae safonau addysgol yn gyson uwch yn y sector cynradd a'r uwchradd. Mae amryw o ysgolion annibynnol wedi hen ennill eu plwyf yng Ngogledd Cymru a'r ardal gyfagos ac maent yn derbyn disgyblion dydd a phreswyl. Mae Coleg Menai ym Mangor, Llangefni a Chaergybi'n darparu addysg amgen i unigolion dros 16 mlwydd oed sydd ddim am ddilyn trywydd addysg draddodiadol. Mae gan Brifysgol Bangor, gyda'i enw da am addysg wych, gymuned fyfyrwyr sy'n ffynnu.

Hamdden ac Ymlacio

Mae gan Wynedd ac Ynys Môn lawer o ganolfannau chwaraeon a hamdden sy'n cynnig amrywiaeth eang o chwaraeon, gweithgareddau ffitrwydd a hamdden. Mae modd mwynhau hwylio, hwylyrddio, canŵio, sgïo dŵr, a phlymio yn y môr, ar lynnoedd ac afonydd drwy'r ardal gyfan. Mae'r cyfleoedd i gerdded a dringo mynyddoedd, abseilio a chyfeiriadu yn ddiddiwedd. Mae'n bosib sgïo ar lechweddau sych yn Llandudno a Chapel Curig trwy gydol y flwyddyn. Mae digonedd o feysydd golff. Mae clybiau pêl droed, rygbi, criced a thenis a.y.b. yn boblogaidd iawn mewn pentrefi ac yn cael eu cefnogi'n dda.

Diwylliant

Mae arfordir, mynyddoedd, mannau a safleoedd hanesyddol yn rhoi cymeriad unigryw i Ynys Môn a Gwynedd. Mae amrywiaeth y diwylliant Cymraeg a bwrlwm yr iaith Gymraeg yn nodweddion pwysig o fyw yng Ngogledd Orllewin Cymru. Mae Ynys Môn a Gwynedd yn siroedd dwyieithog ac mae'r Bwrdd Iechyd wedi ymrwymo i roi gofal yn dewis iaith y claf. Mae gweithwyr nad ydynt yn gallu siarad Cymraeg yn cael eu hannog i ddatblygu eu sgiliau iaith Gymraeg.

Cyfathrebu

Erbyn hyn mae ffordd ddeuol gyflym yr A55 yn cysylltu'r ardal yn rhwydd â rhwydwaith y traffyrdd cenedlaethol a Maes Awyr Rhyngwladol Manceinion. Nid yw Caer a Gogledd Orllewin Lloegr yn fwy nag awr i ffwrdd o ganol Gwynedd, wedi i dwnnel Conwy agor. Mae'r rheilffyrdd cyflym ardderchog (Bangor i Euston, Llundain mewn pedair awr) yn sicrhau bod modd cyrraedd pob man yn y wlad yn rhwydd. Mae'r trênnau ar hyd yr arfordir yn cysylltu â'r terminal llongau yng Nghaergybi. Mae teithio i ac o Gaergybi yn haws ar ôl adeiladu ffordd ddeuol yr A55 ar draws yr ynys.

Gwybodaeth am Wynedd a Gogledd Orllewin Cymru

Mae Gogledd Orllewin Cymru'n ardal wledig ar y cyfan gyda phoblogaeth o tua 250,000 y mae 23% yn unig ohoni'n byw mewn trefi o fwy na 10,000 o bobl. Mae Parc Cenedlaethol Eryri'n ymestyn dros ddwy ran o dair o 1,500 milltir sgwâr Gwynedd, ac mae llawer o leoedd eraill yn nodedig am eu harddwch naturiol. Rhwng yr arfordiroedd eang a'r mynyddoedd mawreddog mae'r golygfeydd yn newid yn gyson drwy gydol y flwyddyn. Yng Ngogledd Orllewin Cymru mae siroedd Gwynedd a Môn (Ynys Môn). Mae Gwynedd yn cynnwys ardaloedd Arfon, Dwyfor a Meirionnydd.

Arfon ydy calon Gwynedd. Yma mae mynyddoedd mawreddog Eryri, dinas hanesyddol Bangor a'i Phrifysgol a thref Caernarfon a'i chastell urddasol o'r 13eg ganrif. Tan yn ddiweddar prif ddiwydiant yr ardal oedd llechi, ac mae gan drefi fel Bethesda a Llanberis etifeddiaeth ddiwydiannol gref. Erbyn hyn mae Caernarfon yn ganolfan i ddiwydiant teledu annibynnol Gogledd Cymru sy'n prysur ddatblygu. Mae Llanberis yn un o brif ganolfannau dringo Prydain ac mae gan yr Afon Menai gyfleusterau hwylio ardderchog.

Mae Ynys Môn a elwir yn "Môn Mam Cymru" dros Afon Menai, ac mae modd mynd iddi dros bont grog enwog Thomas Telford a Phont Britannia Stevenson. Mae gan Ynys Môn gyfoeth o dir amaethyddol bras ac arfordir trawiadol ac mae'n llawn traethau tywod braf a phentrefi bach del. Canolfan yr ynys ydy Llangefni, tref farchnad brysur. Ym Miwmares mae un arall o gestyll enwog Gogledd Cymru ac mae Caergybi, tref fwyaf yr ynys, yn borthladd pwysig sy'n gartref i'r gwasanaeth fferi i'r Iwerddon. Mae ffordd gyflym yr A55 yn ymestyn i Gaergybi a'r gwasanaeth fferi.

Dwyfor ydy un o'r ardaloedd gwyliau mwyaf poblogaidd yng Nghymru. Mae Penrhyn Llŷn yn ymestyn draw at y môr, ac mae cyfoeth o drefi bach glan môr fel Abersoch a Nefyn, yn ogystal â threfi mwy fel Porthmadog, Cricieth a Pwllheli. Un o'i meibion enwocaf oedd Lloyd George ac yn Llanystumdwy mae amgueddfa'n croniclo ei hanes. Mae traddodiad morwrol Dwyfor yn dal yn fyw yn ei phorthladdoedd bychain.

Meirionnydd yw ardal fwyaf deheuol Gwynedd. Mae'n enwog am ei thraethau euraid sy'n ymestyn ar hyd Bae Ceredigion, ei chilfachau creigiog, mynyddoedd Parc Cenedlaethol Eryri a threfi marchnad brysur fel Dolgellau a Thywyn. Un o drefi pwysicaf Meirionnydd ydy tref y chwareli llechi, Blaenau Ffestiniog, sy'n dal yn ganolfan lewyrchus i'r diwydiant. O dawelwch Y Bala a'r llyn i'r pentref hudolus, Eidalaidd ei naws, ym Mhortmeirion, mae Meirionnydd yn llawn amrywiaeth sy'n gyfoethog o ran ei hanes a chyfleusterau hamdden modern.

Mae Conwy a Sir Ddinbych yn yr Ymddiriedolaeth gyfagos ac yno mae tref glan môr Fictoraidd deniadol Llandudno, tua 23 milltir a 30 munud o Fangor ac Ysbyty Gwynedd. Mae Dyffryn Conwy yn arbennig o hardd gyda golygfeydd o Eryri. Mae Caer a Manceinion a'i faes awyr o fewn cyrraedd ar hyd ffordd gyflym yr A55 sy'n cysylltu â Gwynedd ac Ynys Môn.

5.0 GWYBODAETH BELLACH

Mae croeso i ymgeiswyr ymweld ag Ysbyty Gwynedd a chyfarfod â'r Cyfarwyddwr Clinigol a staff Ymgynghorol eraill. Dylid trefnu ymweliadau o'r fath drwy gysylltu â Dr M N Payne, Ymgynghorydd Cardioleg ar 01248 384384 est 5236.

Mae ffurflenni cais ar gael drwy ymweld â NHS Jobs UK (gwefan: www.jobs.nhs.uk) a dilyn y cyfarwyddiadau ar ymgeisio ar-lein. Gwefan y Bwrdd Iechyd ydy www.pbc.cymru.nhs.uk

Bydd contract y swydd fel Contract Meddyg Ymgynghorol GIG Cymru, Telerau ac Amodau Gwasanaeth Cenedlaethol Staff Meddygol a Deintyddol Ysbyty ac Amodau Gwasanaeth Cyngor Cyffredinol Whitley.

Mae Bwrdd Iechyd Prifysgol Betsi Cadwaladr yn Gyflogwr Cyfleoedd Cyfartal.

BWRDD IECHYD PRIFYSGOL BETSI CADWALADR

Swydd Meddyg Arbenigedd Cardioleg

MANYLEB BERSONOL

	HANFODOL	DYMUNOL	DULL ASESU
CYMWYSTERAU	- Cofrestriad llawn â'r GMC - MRCP llawn	ATLS ol-arddedig cymwysterau ofewn cardioleg	<i>Ffurflen Gais</i>
PROFIAD	Mae'n rhaid i ddeilydd y swydd fod yn ymarferydd meddygol cymwys ac wedi gweithio o leiaf 4 mlynedd mewn hyfforddiant ôl raddedig llawn amser, 2 flynedd mewn arbenigedd perthnasol, neu feddu ar brofiadau a chymwyseddau perthnasol.		<i>cyfweliad.</i>
RHINWEDD AU PERSONOL	Gwithdrefnu meddygaeth gyffredinol sy'n briodol i'w brofi.	- Awyddus i ddatblygu sgiliau addysgu - Sgiliau cyfrifiaduron	<i>Cyfweliad</i>
GWYBODAETH	- MBChB neu gyfwerth - Gwybodaeth o Cardioleg i lefel priodol - ALS	Addysgwyr	<i>Ffurflen gais Cyfweliad</i>